

福建通志

第陸拾陸
傳

福建列傳卷二十四

明八

林汝永字君修莆田人嘉靖壬午舉人除南樂教諭遷國子監博士累擢南京戶部郎中權稅淮安關清介自持以稅銀寄山陽庫按季彙解時刑部程秀民以敏決工部陳堯以博雅汝永以清操號三君子尋出爲思恩知府值盧順蘇闖等亂討擒之調黎平善撫夷民擢長蘆鹽運使減積逋十餘萬致仕歸與諸老結社賦詩以終子廷陞萬曆庚辰進士授行人選戶部主事督餉小灘親歷水次宿蠹一清歷郎中出知雷州府擒巨寇鄭紹龍等數十人賊黨解散颶風壞海岸築長隄衛田萬頃擢廣西按察副使岑溪猶亂督府檄守蒼梧調兵督戰斬獲千餘人捷聞進三品俸致仕卒孫鏞字毅卿萬曆丙子舉人知臨淮縣中使李鳳以礦稅至所過騷擾鏞力與抗遂被劾去杖下獄後因災異得釋里居十餘載以薦起而鏞已卒鏞杖繫時臨淮民日夜禱神其詞有曰趙廣漢之蒙冤萬人伏闕夏

侯勝之繫獄終日授書天啓初贈尙寶司少卿

閩書

吳世澤字宗仁連江人嘉靖癸未進士知廬陵縣以清慎稱歷南京禮部主事擢吏部驗封郎中出知嚴州府遂安礦賊剽掠世澤濤其穴禽之衛婺大水預爲之備民賴以安治行稱第一擢廣西按察副使分巡府江道剔吏蠹端士習復流移通商賈諸蠻隸府江者故多桀驁世澤嚴爲武備而德以懷之諸鄰峒復業者千餘家江道肅然祀名宦

朱瀚字必東莆田人正德丙子鄉試第一嘉靖癸未進士明年春與同縣馬明衡並授御史昭聖皇太后與大學士楊廷和定策禁中迎立世宗而世宗事后顧日益薄興獻太后誕節勅命婦朝賀燕資倍常及后誕日勅免賀瀚爲御史甫閱月言皇上孝事兩宮常如一日興獻太后聖誕旣已朝賀昭聖誕辰乃聞報罷禮數頓殊所關豈細昭聖親挈神器以授陛下母子至情天日昭鑒決旬之間而一廢一行彼此相較形迹大著今日之禮母后雖或固辭皇上尤宜敦請乃傳免之旨出自陛下何以慰孝宗在

天之靈副天下臣民之望明衡亦言暫免朝賀在恆時則可在議禮紛更之時則不可時帝亟欲尊所生而羣臣必欲帝母昭聖相持未決二人疏入帝恚且怒曰免朝自皇太后懿旨朕豈有閒焉立捕至內廷責以離閒官闕歸過於上下詔獄拷訊侍郎何孟春御史蕭一中論救皆不聽御史陳逅季本員外郎林應聰繼諫帝愈怒並下詔獄遠謫之帝必欲殺二人變色謂閣臣蔣冕曰此曹誣朕不孝罪當死冕膝行頓首請曰陛下方興堯舜之治奈何有殺諫臣名良久色稍解欲戍之冕又固請繼以泣乃杖八十除名爲民兩人遂廢湖居家以奉親爲娛公府絕無私干至鄉里利病必與有司言之如里甲協辦者率當破產湖貽書同年按察使周廷極言其弊廷力贊巡按御史趙應祥革之民永賴焉所著文詞無一怨尤語誦之想見其人隆慶元年贈光祿少卿

以上遵光舊志

陳良鼎字廷器閩清人嘉靖初貢入太學十七年章聖太后台葬顯陵帝駕先往相視大臣及臺諫願望莫敢發良鼎曰唐鄭模宋陳東歐陽徹何

人哉卽上疏言臣荷國家作養垂三十年亦思效犬馬之報伏望陛下欲親奉梓宮合葬顯陵天下莫不以爲大孝臣愚以爲天子之孝在於敬天法祖子養元元計安社稷區區親奉梓宮未足爲至也古帝王巡幸方岳而民不病者兵衛寡而供御約也今乘輿一動百官宿衛盡從郡縣除道築宮境內文武將吏當朝行在費以億萬計非所以子元元安社稷也臣聞河南北汴湖廣諸處頻年水旱有司聞天子將臨已預徵來歲租賦爲不時之需百姓皆賣兒斥產以應追求愁苦萬狀此孰爲陛下言者誠勅二三大臣奉梓宮而南孰敢不肅臣草莽不識忌諱如其無當願斬臣以謝四方帝震怒下詔獄杖之擬戍極邊會駐蹕眞定行宮火尾卒過江潭多墜者帝念良鼎言釋爲民尋授縣尉旣而罷歸種秫讀書以終老隆慶改元錄用言事諸臣時良鼎已老有司上其事未命卒

閩書天目先生集

唐鈺字廷貴泉州人其先六合人五世祖海調泉州衛指揮世職遂爲晉江人鈺生而穎異標望絕人年十六承襲嘉靖初剿賊九十三等擢郡縣

鈺督永春兵據阻隘扼之賊不得肆時號爲唐公隘久之移小埕把總申號令嚴烽堠海上晏如調永寧衛雅尙儒術日與文人學士往來尋告休李杏字子芳永安居父喪哀毀廬墓嘉靖乙酉舉於鄉北上道聞母疾卽日奔還母卒喪之如父後除東昌推官堅守清操民謠云李侯佐府治但飲東昌水李侯奉院牒妻子喫榆葉撫按交薦擢南京大理評事轉寺正遷四川按察司僉事奉命採礦西番遠涉瀘水廩給惟受蔬米竣事乞休卽行巡撫以應得柴馬金送至其家不入私橐買田以供祀事餘闕里黨之貧者年八十二卒遺命服用布素毋使有越禮者鄉人宗之

陳褒字邦進寧德人父字宇時清性清高自謂平生慕真隱而有山水真樂玩遊真境詩書真味吟咏真趣號五真居士褒第嘉靖癸未進士授御史會議祀興獻帝於太廟褒疏言今日之事實與周文王不同陛下承祖者也其序傳之武宗不宜復立禍廟等乞終養十餘年起原官巡按江西夏言爲相欲毀民居以益苑園褒書諷止之人爲之危褒曰吾寧危一身

不忍見百姓離析之慘也尙書霍韜歎曰眞御史也卒以忤言謫韶州推官去之日父老攀轅畱其笏再謫泗州州判久之稍遷慈谿知縣毀淫祠以祀吳閻澤唐房瑄蓋有澤於邑者遷松江同知值新設青浦縣事悉委之經略縣成擢廣西按察司僉事時總督張岳方大征柳州馬平僮聞褒至喜曰事集矣遂檄褒率各州兵征剿平五都諸處功垂成值言再起爲相御史呂光琬希指劾褒遂罷

林應標字君儀莆田人嘉靖癸未進士授禮部主客司主事是時爲王客司郎中者陳九川也天方國貢玉九川別好醜過當又怒譯者胡士紳等夷人皆怨尋失玉士紳等因詐爲夷人怨詞訐奏九川時張季敬方欲擢費宏相位誣九川以貢玉餽宏九川坐下詔獄乃委罪應標自解應標並繫受杖不自白久之夷人再對王譯者問之曰是日孰王爾因熟視應標夷數搖首指九川撫掌頷之朝士皆稱應標長者尋出爲江西按察司僉事紮遷廣東按察使轉江西右布政使遷左江西歲出籍錢數十萬市

上方物輸內府嚴禁當國前官率聽其子若婿與盟儉之徒司之
焉女婿袁應樞以請力拒之先是藏中無名錢前使陳活以
誠封識慎筭庫無纖毫開戶坐調山西晉府以子錢蠶食諸王子祿應樞
每給祿必召諸王子以次受晉府積空券無從換領他事訟關下
嵩從中司其奏應樞歎曰吾獨不念主客時不自白耶趣裝歸子燦章燦
章燦章字繼暉嘉靖庚戌進士歷工部郎中出爲貴州按察副使備兵
威靖十七司土酋薛紹榮輩久據兵捕賊燦章至約身率下諸酋稍稍受
要束賦亦寢復嘗以平印水逆苗酋白泥司叛酋功兩拜帑金之賜普安
州判胡士功以壘敗巡按下燦章按之而巡撫趙某以姻好故爲周旋燦
章不應巡撫疏論候勘歸御史蔡廷幹按部至疏白其事起雲南參政權
貴州按察使牙州之役當事急首功燦章悉召諸護軍爲稱引古名將事
誡妄殺賊平紮遷雲南右布政廣東左布政至官踰月裁冗費議役法尋
以察典調人駭惜之燦章簡質寡言權門要津遠之若浼生平操履酷似

其父云 萬姓統譜道光舊志

方一桂字世芬莆田人與兄一蘭同第嘉靖癸未進士一桂除蒲圻知縣
調宣城以治行擢御史巡視清肅關祿邊務十二事繼按山東請墾荒地
以增營田正孔廟從祀以定禮制俱報可時左僉都御史史道協掌院事
以望誤朝儀勒回籍一桂言大臣不宜以細事捐忤旨廷杖二十尋還職
督北畿學政復疏言吏部尙書汪茲綱賂枉法狀且言陛下杜天下之口
已三年矣帝大怒復廷杖六十削職卒於家隆慶初贈光祿寺少卿一蘭
字世佩歷官禮部郎中亦以議禮被杖
曾仲魁字斯達晉江人嘉靖癸未進士初授南雄府經歷歲饑路多殍遂開廩
平糶煮粥和藥民氣漸蘇邑貢出阻海為盜賊竊仲魁募卒除戎器謹候
微盜發必得之乃息既而立社倉建社學訓誦課業俱有條式繼之者為
荆門袁鏡政與相類邑人以比召杜擢禮科給事中監京庫局東南百物
之貢皆中官主之民輦輸入官主者求賄無藝仲魁剔刷蠹本主者夜懷

千金求稍寬弛仲魁正色曰吾以上聞若等當死貸若死而已監法不可
弛也其人慚退轉刑科右給事中冊封靖江王已出知嘉興府以母老乞
養歸母卒服闋補池州節畱厨傳會御史陳某以巡江歲請檄取紙筆費
仲魁曰吾知爲民不知爲御史胥吏也御史上疏論劾遂報罷歸

王德溢字懋中連江人嘉靖丙戌進士知蕪湖縣值旱饑先期請蠲民租
十七蘇里甲設役夫清驛傳皆汰然有法民爲樹碑紀績調慈谿縣鄉
去縣治稍遠盜賊充斥每親詣其所糾察緝獲旬月間盜遂屏跡又擇其
子弟可向學者聚教之考校獎掖皆倍一變濟杜白二湖以濟民田擢御
史首劾李鉞鄭爵不法中官戚陽忌時嚴嵩相國朝士爭赴之德溢岸然
自異尋勅理長蘆鹽課會湖廣巡撫都御史姓大相以任雲南時取象牙樣
金爲部使者葉奇所糾相行賄當道反罪奇令致仕德溢上疏固爭略言
大臣身被論劾舊無奏辦之例御史職司糾察原無迴避之嫌此祖宗朝
廷定例所以獎借言官以儆有位者也奇劾相所取象牙等物動以百數

械選授矣相則以爲舊規此遁詞也嘉靖初年詔書凡州縣官遇親職往來餽送土儀者有禁信如相言是明詔所及獨察於州縣而略於方面之官也且奇勅相貪皆有所據非涉風聞相旣被撫猶張皇聲勢以動人聽其奸可知貪足以殃民奸足以蠹國乞正其罪疏入被譴歸政而撫按交章薦再以御史召復按廣東風紀大振時朝廷問罪交趾莫暨庸屬表乞降或以黎甯爲疑德溫言簡其僞未審帝王之服小國也遊則責之以威順則綏之以德若登庸及于簡負其前者自宜大舉王師必誅無赦今則畏威懷德屢次乞降伏望俯垂寬宥待之以恩賜之以不死廷議如其言受登庸降會劾屬吏贓忤當道謫外補松江推官終廣西僉事德溫前後入侍內臺出按兩省皆有聲以不能脂韋權貴弗究其用士論惜之連江故無城屢有寇患德溫作荒城議陳之於是始城

鄒守愚字君哲莆田人嘉靖丙戌進士歷戶部郎中議行平糴法奏發帑金賑陝西饑効諸中貴冒芻蕘招納亡命出知廣州府訟劇政多宿蠹

守愚一處以至誠嘗辦誣獄釋繫歲被繫者數百人有庖人烹雞雞以茹
羹色黑御史以爲毒已也坐以重罪守愚疑之令人如所具烹焉亦黑力
爭御史前御史悟乃釋之新會民激於徵逮聚海艘爲變監司招之不應
曰必鄒使君來守愚單騎往民望見輒涕泣解散未幾屬寇起於閩帥將
大討亦得守愚一言遂解其威信服人如此郡人以比宋宗靖方大琮二
人皆知廣州者也安南不庭嘉靖十八年命兵部尚書毛伯溫按兵境上
從便撫勸之守愚與梧州知府符德達並以才略聞伯溫皆致之幕下并
擢守愚廣東按察副使修理兵務疏陳五事皆見採納聞父訃奔喪歸安
南降論功受上賞服闋起江西兼攝提學甄拔多知名士進湖廣參政授
方畧禦苗苗遁常德饑便宜發長沙備兵米漲之被誣謫山東又改河南
厯左布政使師尙詔陷歸德諸州郡率兵討平之汴河溢歲且歉盜起梁
宋聞詔進守愚右副都御史巡撫其地進戶部右侍郎綱紀大飭留心文
獻修河南通志以典要稱三十五年二月山陝河南地震命守愚祭告山

川賑恤災民還至河南道病卒賜祭葬贈右都御史謚襄惠隆一子入監
守愚宏豁爽闊平居不見喜愠臨大事臆發嚴立敎歷中外均著廉聲祀
廣東名宦

林雲同字汝雨莆田人第嘉靖丙戌進士選庶吉士以不遇時字改授戶
部主事權視九江作誓江文日勵舟至隨發及代計羨金千餘徵寄府藏
不持錙銖歸還禮部員外郎同考會試出爲浙江按察司僉事擢學道
調河南兵備提廣東副使仍領提學立五經書院簡別郡士肄業其中轉
浙江參政進右布政使時左布政爲建安李獻與雲同並負時名浙人稱
盛事入覲行爲蕭然赴庭治行第一轉左時夏言屢巡按視一重雲同
正色曰言可去此因不可出言銜之未幾言罷乃擢副都御史巡撫湖廣
值辰沅師興督府徵取行糧數十萬雲同曰楚地歲不登可減半奏貸
糶邊歲例粟十五萬給之宗藩驕恣雲同裁以法咸聽約束慶曆李廷春
者以賄遷御史昵於嚴世蕃雲同疏劾之廷春亦自辨世蕃從中擠之坐

回籍聽勘廷春卒視職隆慶元年起爲刑部侍郎遷右都御史掌南院事
南京習侈靡雲同刊立會約節浮費去苛禮俗爲一變給事中石星陸鳳
儀以言事獲罪抗疏救之明年就遷南京工部尙書以歲漕奏免江南十
縣蘆課十之五疏請老溫旨慰畱章五上乃允萬厯初起南京刑部尙書
再辭不允至則按江寧知縣侵沒刑部庫銀事論如法越月復懇辭乃賜
乘傳歸卒年七十八贈太子少保謚端簡雲同端方樸古蒲自林俊後元
璞純名於雲同再見云

王宗濬字志達晉江人嘉靖丙戌進士授戶部主事請覈餘銀以防侵沒
復水兌以積餘糧尋奉命督淮安倉釐諸徭弊厯郎中薇王疏請自賦於
民宗濬言於尙書梁材曰宗室自賦有司無由稽察得任意征求民富益
困故祖宗無此法也材深然之事遂寢徽王訴諸帝帝大怒左遷材爲侍
郎逮宗濬詔獄尋謫廣東市舶提舉署大埔知縣邑新建在萬山中貴豪
恣張破法爲民患宗濬重懲之貴豪斂手不半年縣稱治攝廉州知府時

征黎兵興廉當孔道供餉繁沓宗濬曲爲區畫民弗擾還南畿太平同知
有大獄連百餘人數年不能決宗濬一尋而定郡稱神明擢湖廣按察司
僉事整飭江防兵備修明法紀訓練士馬奸宄屏息屬郡縣饑賑粟萬餘
石全活無算卒於官士民哀悼從子廷稷字民育嘉靖辛酉舉人授萬
載教諭遷營山知縣邑大寺僧多藏婦女廷稷捕治諸僧廢其寺爲書院
徵南京御史上大本務凡六疏俱報可遷湖廣僉事分守蘄黃縣有百姓
以竄盜致萬金廷稷訊得實治如法一州稱快擢雲南右參議進備諸司
並受緬夷約束獨木邦罕進忠不肯服逃入永昌議者欲驅之去廷稷謂
人以窮來歸棄之不仁折而歸緬則木邦失木邦失則滇之藩籬撤矣其
後罕虔受誅岳鳳獲擒皆進忠爲耳目人始服其遠識轉四川左參議罷
歸卒年八十餘

以上道光舊志

詹榮字仁甫別號角山尤溪人曾祖旺洪武間以戌籍隸山海衛入海山

衛籍

遷隸山海衛已歷四世據題名碑錄載尤溪人存之

榮年十一補諸生嘉靖丙戌成進士授戶

部主事權稅河西務監兌湖廣皆有廉幹聲進郎中督餉大同大同總兵
李瑾馭士嚴軍士不附屬寇窺塞下瑾令卒浚濠四十里遏寇騎刻日竣
工衆譁殺瑾守臣以聞詔遣邵永爲總兵合總制劉源清督師討之叛卒
欲誅首亂自贖源清不許趨攻之不能下乃相與謀灌城榮曰雲中重鎮
以數十叛卒墮其城非計且鎮人何罪而以爲僇某請爲公下此城乃密
約都指揮紀振遊擊戴濂等討賊而私察叛卒馬昇楊麟無志有才畧
可用爲請貸死昇三千金使自募士昇麟遂計擒亂首黃進九人斬之及
捕斬許章等二十六人縛獻王寶等二十八人內外肅伏乃開城門延總
制總兵巡按以次導從彭吹入拊循城中城中人皆歡呼動地曰微君公
我曹皆魚肉矣自愛選事平凡五閱月焚掠無算獨榮所部錢穀儲積
秋毫無敢犯論功晉光祿少卿索遷南京太常少卿二十二年以右僉都
御史巡撫甘肅甘肅興諸番大牙時肆侵掠榮宣威德勦撫兼施境內安
然輟逃貢使雷甘州者九十餘人總兵楊信驅以御寇死者十之一榮言

彼以好來而用之鋒鏑傷遠人心且示中國弱詔奪信官檣死者送之歸番人悅服踰年以大同巡撫趙錦與總兵周尙文不相能詔榮與錦易任俺答數萬騎入掠榮與尙文破之黑山陽論功進副都御史寇復大舉入犯中路參將張鳳等陣沒榮與尙文及總督翁萬達嚴兵備陽和而遣游騎邀擊斬獲甚多寇引去代府奉國將軍充灼與其黨張文博等謀亂爲寇內應又遣人焚諸草場絕芻牧以困吾師榮偵獲之充灼等俱伏法榮以大同無險乃築東路邊牆百三十八里堡七墩臺百五十四又設守邊當積粟而近邊宏賜諸堡三十一所延亘五百餘里闡治之皆有腴田可數十萬頃乃奏請召軍佃作復其租徭大同歲市馬牛秋冬則聚而選寇帝立從焉寇入犯尙文破之彌陀山斬一部長榮先以靖亂功進兵部右侍郎又以繕邊破敵素被獎資召遷理部事轉左尙書趙廷瑞奏榮署部事奉行防秋十事已而萬達入爲尙書遭母喪榮復當署部事辭疾乞休帝怒奏職越二年卒當榮之撫大同也萬達爲總督尙文爲總兵三人皆